



越城縣廣勝寺

優婆塞持齋經

失譯人名今附宋錄

聞如是一時佛在舍衛國止城東出有女人子字蕪耶樓人呼為蕪耶樓母佛在蕪耶樓母家殿上坐有一女人奉持教戒字墮舍迦以月十五日朝起沐浴有七子婦皆使沐浴著好衣日未中因飯飯已澡手將七子婦至佛所前為佛作禮佛言就座皆却就座佛問優婆夷墮舍迦今日何等沐浴著好衣與子婦俱至佛所墮舍迦言今日十五日我齋戒我聞一月當六齋我與子婦俱共齋不敢懈慢佛告墮舍迦佛正齋法有八戒使人得度世道不復墮三惡處所生常有福祐亦從八戒本因緣致成佛何等為佛正齋法是聞有賢善人持戒一月六日齋月八日一齋十四日一齋十五日一齋二十三日一齋二十九日一齋三十日一齋齋日朝起告家中言今日我身齋家中今日且莫飲酒莫鬪諍莫道說錢財家中

優婆塞持齋經 第二卷 第十卷

事意所念口所說當如阿羅漢阿羅漢無煞意齋日持戒亦當如阿羅漢無煞意無捶擊意念畜生及虫蟻使常生如阿羅漢意是為一戒今日與夜持煞意使不得煞持意如是為佛一戒

佛言齋日持意當如阿羅漢無貪心無所貪慕於世間無貪毛菜之意齋日如是持意如阿羅漢富有者當念作布施貧無有者常當念施是為二戒

佛言齋日持意當如阿羅漢阿羅漢不畜婦亦不念婦亦不貪女人亦無姪意齋日如是持戒如阿羅漢是為三戒

佛言齋日持意當如阿羅漢不妄語語不傷人意語即說佛經不語者但念諸善齋日如是持意如阿羅漢是為四戒

佛言齋日持意當如阿羅漢阿羅漢不飲酒不念酒不思酒用酒為惡齋日如是持意如阿羅漢是為五戒

佛言齋日持意當如阿羅漢阿羅漢

意不在歌儻聞亦不喜音樂聲亦不在香華氣齋日如是持意如阿羅漢是為六戒

佛言齋日持意當如阿羅漢阿羅漢不於高好牀卧意亦不念高好牀上卧齋日如是持意如阿羅漢是為七戒

佛言齋日持意當如阿羅漢阿羅漢日中及食日中已後至明不得復食得飲蜜漿齋日如是持意如阿羅漢是為八戒

佛復告優陂夷墮舍迦是聞有人頭髮有垢自沐其頭沐已其人便喜言我頭垢已去有人持八戒一日一夜者明日即喜喜者便念佛經戒迺如是其有人心中有惡意即去善意即還

佛言有人身體饒垢入水中治身垢皆去出水即喜言我垢去身輕其有人齋戒一日一夜明日即喜念佛正語自念當何時得道使我心不復動不復走使我心一志無為之道佛言有人衣多垢以得灰泥之垢去其人即

喜其有人齋戒一日一夜明日即喜便念比丘僧言比丘僧中有須陀洹斯陀舍阿那舍阿羅漢念比丘僧如是

佛言如人有鏡鏡有垢磨去其垢鏡即明其有人齋戒一日一夜有慈心於天下心開如明如鏡者不當有瞋怒意其有人一日一夜齋戒閱哀天下淨心自思自端其意自思念身中德靈如是如是者不當復瞋怒

佛告優陂夷墮舍迦持八戒齋一日一夜不失者勝持金銀珠璣施與比丘僧也天下有十六大國一者名鴛迦二者名摩竭三者名迦夷四者名拘薩羅五者名鳩溜六者名般闍荼七者名阿波耶八者名阿洹提渝九者名脂提渝十者名越祇渝十一者名迦摩十二者名迦賴吒十三者名越踰十四者名未羅十五者名渝匿十六者名劍善提是十六大國中珍寶物施與比丘僧不如齋戒一日一夜也齋戒使人得度世道以財寶施與不能使人得道今我得佛道本得

是八戒越佛告墮舍迦天下人多憂家事我用是故使一月六齋持八戒若有賢善人欲急得阿羅漢道者若欲疾得佛道者若欲生天上者能自端其心一其意者一月十五日齋亦善二十日齋亦善人多憂家事故與一月六齋六日齋者譬如海水不可斛量其有齋戒一日一夜者其福不可計佛告墮舍迦且將子婦歸論念是正齋法八戒也優陂夷墮舍迦前為佛作禮而去

優陂夷墮舍迦經

優陂夷墮舍迦經

校勘記

- 一 底本，金藏廣勝寺本。
- 一 一一八頁中一行及卷末經名，**徑**、**清**作「佛說優婆夷墮舍迦經」。
- 一 一一八頁中二行「人名」，**磧**、**普**無。
- 一 一一八頁中一七行「是聞」，**磧**、**普**、**南**、**徑**、**清**、**麗**作「是聞」。
- 一 一一八頁下八行「毛菜」，**磧**作「不菜」。
- 一 一一八頁下一四行「持戒」，**磧**、**普**、**南**、**徑**、**清**、**麗**作「持意」。
- 一 一一八頁下一六行末字「語」，**麗**無。
- 一 一一九頁上九行「及食」，**磧**、**普**、**南**、**徑**、**清**作「乃食」。
- 一 一一九頁上一二行「復告」，**磧**、**普**、**南**、**徑**、**清**作「告」。
- 一 一一九頁上一五行「佛佛」，**麗**作「佛」。
- 一 一一九頁中一五行「拘薩羅」，**磧**、

- 普**、**南**、**徑**、**清**、**麗**作「拘薩羅」。
- 一 一一九頁中一九行「末羅」，**南**、**徑**、**清**、**麗**作「末羅」。
- 一 一一九頁中末行末字「得」，**磧**、**普**、**南**、**徑**、**清**、**麗**作「從」。
- 一 一一九頁下一行第四字「越」，**磧**、**普**、**南**、**徑**、**清**、**麗**作「起」。
- 一 一一九頁下五行第二字「者」，**磧**、**普**、**南**、**徑**、**清**無。
- 一 一一九頁下一〇行「論念」，**磧**、**普**、**南**、**徑**、**清**、**麗**作「誦念」。